

# খানবাহাদুর আহছানউল্লা (রঃ) দর্শন: মানব সেবার প্রতিষ্ঠানিক ভাবনা

ভারতবর্ষের রাজনৈতিক পরিবর্তনশীল অবস্থার মধ্যে উন্নয়ন ও মানুষের মুক্ত চেতনার ছোঁয়া থেকে অনেক দূরে অখ্যাত এক পাড়াগাঁ সাতক্ষীরা জেলার নলতা গ্রামে ১৮৭৩ সালে খানবাহাদুর আহছানউল্লা- I(রঃ)'র জন্ম। তার বর্নাত্য কর্মময় জীবনের ব্যাপ্তিকাল ১৯৬২ সাল পর্যন্ত। তাঁর কর্মমুখর জীবনের এই ব্যাপ্তিকালের মধ্যে তিনি এ উপমহাদেশের ঘটনাবল্ল বহু সামাজিক, রাজনৈতিক এবং সাংস্কৃতিক পরিবর্তন প্রত্যক্ষ করার সুযোগ পেয়েছেন এবং তিনি নিজে বিভিন্ন সংস্কারে যুক্ত থেকেছেন। খানবাহাদুর আহছানউল্লা (রঃ)'র বর্নময় জীবনের পূর্ণাঙ্গতা এসেছে অনেক চড়াই উত্থাই পেরিয়ে। প্রথম বিশ্বযুদ্ধ এবং দ্বিতীয় বিশ্বযুদ্ধ পরবর্তী বিশ্ব মুসলমান সমাজের অস্তিমিত অবস্থা এবং ভারতবর্ষের ইংরেজ শাসনকালীন সময়ে, মুসলমান সমাজসহ নিম্ন বর্নের দরিদ্র জনগোষ্ঠী পিছিয়ে ছিল আধুনিক শিক্ষা, উন্নয়ন, অগ্রগতি এবং মুক্ত চিন্তা থেকে। এরকমই এক প্রেক্ষাপটে খানবাহাদুর আহছানউল্লা (রঃ)'র বেড়ে ওঠা, যা তার সামগ্রিক কর্মময় জীবন এবং চিন্তাকে প্রভাবিত করেছিল।

মূল আলোচনায় যাওয়ার আগে ব্যক্তি খানবাহাদুর আহছানউল্লা (রঃ) সম্পর্কে কিছু আলোকপাত করা প্রাসঙ্গিক বলে আমি মনেকরি। কোন ব্যক্তির কর্মের উপর আলোচনার পূর্বে ঐব্যক্তির মননশীলতা বা চিন্তা চেতনা বা তার বিশ্বাস নিয়ে আলোচনা করা প্রয়োজন।

ব্যক্তি হিসেবে খানবাহাদুর আহছানউল্লা (রঃ) সমগ্র জীবন খোদা প্রাপ্তির পথে ধাবিত হয়েছে। আর তার খোদা প্রাপ্তির পথ হিসেবে রছুল (সঃ) কে আসর্শ মেনেছেন। তিনি মানব সেবার মাধ্যমে আল্লাহর সর্বোচ্চ কিভাবে সন্তুষ্টি অর্জন করা যায় তার প্রচেষ্টা করেছেন। মানব সেবা হযরত মুহম্মদ (সঃ)সহ সব রসূল ও নবীর সূনাত। ইসলামী বিশ্বাস অনুযায়ী দুনিয়ার এক মানুষের সঙ্গে অন্য মানুষের সহজাত ভ্রাতৃত্বের বন্ধন রয়েছে। ইসলাম এই ভ্রাতৃত্বের বন্ধনকে আরও অর্থবহ করে তোলার পক্ষে। একজন মানুষ অন্য মানুষের আপদে-বিপদে সহায়তা করবে সহমর্মিতার পরিচয় দেবে এমনটিই উৎসাহিত করা হয়েছে ইসলামে। রসূল (সঃ) তার সমগ্র জীবনে সাহায্য প্রার্থীর প্রতি অকুপণভাবে হাত বাড়িয়েছেন। হজরত জাবির ইবনে আবদুল্লাহ (রা.) বলেছেন, রসূল (সঃ) জীবনে কখনো কোন সাহায্য প্রার্থীকে না বলেননি। মানব সেবাকে তিনি তার জীবনের ব্রত হিসেবে গ্রহণ করেছিলেন। কোনো অবস্থায় এ ব্রত থেকে বিচ্যুতি হননি।

আমি এই বিষয়টি অবতরনা করলাম তার প্রধান কারণ খানবাহাদুর আহছানউল্লা (রঃ) এর চিন্তা চেতনা সকল কিছুতেই খোদা প্রাপ্তির জন্য রসূল (সঃ) কে অনুসরণ করেছে যা তার লেখনীতে প্রকাশ ঘটেছে।

আর একটি আলোচনা করাও প্রাসঙ্গিক যে, তিনি নিজের সম্পর্কে কি ধারণা পোষন করতেন এক কথায় “ তিনি বলতেন তিনি অতি ক্ষুদ্র, কিটানুকিটের সমতুল্য”। তিনি নিজেকে কখনো বড় বলে জাহির করেনি। এর জন্য তিনি নিজে যেমন আমিত্ব বর্জন করেছেন তেমনি আমিত্ব পরিহারের জন্য পরামর্শ দিয়েছেন। আমিত্বের মধ্যে বিরাজ করে আত্মন, অহন, অহঙ্কার, ইগো, সেলফ ইত্যাদি। আর এগুলো পরিত্যাগ না করলে স্রষ্টার সৃষ্টিকে ভালোবাসা যায় না।

খানবাহাদুর আহছানউল্লা (রঃ) কর্ম সম্পর্কে বলার আগে তার খোদা প্রেম, রসূল (সঃ) এর দেখনো পথ ও নিজেকে স্রষ্টার সৃষ্টির সেবায় নিয়োজিত করার জন্য নিজেকে তৈরী করেছেন।

হজরত খানবাহাদুর আহছানউল্লা (রঃ) মধ্যে মানব প্রেম, সামাজিক উন্নয়ন আধ্যাত্ম সাধনার সংমিশ্রণ ঘটেছিল। পাশাপাশি অত্যন্ত দূরদর্শিতার সাথে সাংগঠনিক চিন্তার মধ্যেদিয়ে তার চিন্তা ও কর্মকে প্রাতিষ্ঠানিকি করনের জন্য নিরন্তন প্রচেষ্টা করেছেন। শুরুতে তিনি অত্যন্ত সিমিত পরিষরে তার উদ্যোগকে বাস্তবে রূপদেয়ার চেষ্টা করেছেন। তার নানামুখী সমাজ উন্নয়নের দিয়ে মানুষের ইহলৌকিক ও পরলৌকিক মঙ্গলের পথ নির্মাণ করতে চেয়েছিলেন। তিনি তার কর্মকালীন সময়ে বহু প্রতিষ্ঠান তৈরী ও উন্নয়ন ধারাকে প্রাতিষ্ঠানিক রূপদান করেছেন এর মধ্যে আহছানিয়া মিশন তাঁর সর্বশ্রেষ্ঠ সংগঠন।

আহছানিয়া মিশন ছাড়াও তিনি বিভিন্ন সময়ে বিভিন্ন গোষ্ঠীর উন্নয়নে ও মূলধারায় সম্পৃক্ত করার জন্য সংগঠন তৈরী করেন এর মধ্যে কয়েকটি উল্লেখযোগ্য হলো:

- যুবক সমিতি
- সেবক সমিতি
- দুস্থ ও পীড়িত ব্যক্তির জন্য বিশেষ সাহায্য ফান্ড
- শিক্ষা ভান্ডার

- স্টুডেন্ট ওয়েলফেয়ার এসোসিয়েশন
- মুসলিম সেবা সমিতি
- শান্তি ফৌজ
- সাতক্ষীরা পিপলস এসোসিয়েশন, ঢাকা।

এই সংগঠন তৈরীতে তাঁর স্বপ্ন ছিল সাধারণ মানুষের সার্বিক অগ্রগতি, তথা মানবিক ও সাম্যের একটি সমাজ গঠন করা। সারাজীবন এ লক্ষ নিয়েই চির আদর্শব্রতী খানবাহাদুর আহছানউল্লা (র:) সাধকের মত একনিষ্ঠতায় কাজ করে গেছেন। বিভিন্ন প্রতিকূলতা তাঁর কর্মগতিকে থামাতে পারেনি। সব কিছুর উর্দে জীবনের অনুপ্রেরনা হিসেবে “স্রষ্টার এবাদত এবং সৃষ্টির সেবা”কে মূলব্রত হিসেবে বেছে নিয়েছেন। “মানব-প্রেম সকল ধর্মের প্রধান স্তম্ভ” এই অনুভূতিই তাঁর বিশাল কর্মযজ্ঞকে পরিচালিত করেছে।

খানবাহাদুর আহছানউল্লা (র:) এর লেখনীতে বিভিন্ন ভাবে মানব সেবার প্রাতিষ্ঠানিক ভাবনা ফুটে উঠেছে। প্রেমিকের পত্রাবলী গ্রহণে (পত্র সংখ্যা : ৮৩ নলতা, ৫/৯/৪৭ ইং) তিনি যুবকদের সম্পৃক্ত করে মানব উন্নয়নের কথা বলেছেন “তোমরা কয়েকটি যুবক মিলে একটি সমিতি করো এবং পরস্পর পরস্পরকে সাহায্য করতে থাকো, দেখবে একতার ফলে প্রাণ জেগে উঠবে, সত্যের বাস্কার চারিদিকে বেজে উঠবে, আনন্দের ফোয়ার ছুটবে। তোমাদের মধ্যে প্রেরণা ও উদ্যম এলে হয়তো আমিও একদিন চকিতে উপস্থিত হবো”। এই বক্তব্যের মধ্য দিয়ে তিনি সংগঠনিক ভাবে যুবকদের মানব সেবার ব্রতি করেছেন। সমিতি গঠনের পরামর্শটি ছিল তার কাজকে প্রাতিষ্ঠানিক রূপদান।

তার এক ভক্তকে নির্দেশ দিয়েছেন “সাক্ষ্য বিদ্যালয়টিকে স্থায়ী করিয়া আসিবে, মহিলা-মহলে একতার পাঠ শিক্ষা দিবে” (পত্র সংখ্যা: ১০০ নলতা, ১৭/৭/৪৮ ইং)।

তিনি মানব সেবায় যেমন অনেক সময় নিজে সরাসরি সম্পৃক্ত থেকেছেন তেমনি অন্যের উদ্যোগকেও উৎসাহ যুগিয়েছেন। যেমন বনগ্রামের যুবকরা সমিতি গঠন করছে জেনে তিনি তার এক পত্রে এভাবে অনুভূতি প্রকাশ করেছেন যে, “বনগ্রামে বালকবৃন্দ একটি সমিতি গঠন করিতে ব্রতী হইয়াছে এবং সেই অভিপ্রায়ে “অভিযান” নামক পত্রিকা প্রকাশিত হইতেছে, ইহা খুবই সুখের বিষয়। সমাজের সঙ্কীর্ণতা, কুসংস্কার, অন্ধ বিশ্বাস, অবিশ্বাস ও কুবিশ্বাস অপনোদন করিয়া ভ্রাতৃত্ব বিস্তারে “অভিযান” জয়যুক্ত হউক ইহাই প্রার্থনীয়” (পত্র সংখ্যা : ৬৩ নলতা, ৩১/৩/৪৪ইং)

খানবাহাদুর আহছানউল-। (র:)’র কর্মধারা কে প্রাতিষ্ঠানিক রূপদিতে তিনি যেমন প্রতিষ্ঠান প্রতিষ্ঠা করেছেন তেমনি তিনি লিখিত ভাবে বা পুস্তক প্রকাশের মধ্যদিয়ে তার কর্ম পরিধি সম্পর্কে নির্দেশনা দিয়েছেন। যাতে তার উদ্যোগ গুলো কালের আবর্তে হরিয়ে না যায়, একটা প্রাতিষ্ঠানিক রূপপায় ও যুগযুগ ধরে মানব সেবার ভূমিকা রাখতে পারে। এখনে একটা বিষয় গভীরভাবে লক্ষনীয় তার এই উদ্যোগ কোন দিন তার এলাকা কেন্দ্রীক বা পরিবার কেন্দ্রীক ছিল না। যার কারণে আজও তার সৃষ্টিগুলো স্বমহিমায় টিকে আছে ও আরো প্রসারিত হচ্ছে।

খানবাহাদুর আহছানউল-। (র:) তাঁর কার্যকালে শিক্ষা বিভাগে যেসব সংস্কার করেন তারও মূলে ছিল মানব সেবা। বিশেষ করে পিছিয়ে পড়া মুসলিম সমাজের উন্নয়ন ও অগ্রগতির সাথে সম্পৃক্ত করা। তৎকালীন মুসলিম সমাজের দুর্দশা তাঁকে বার বার ব্যথিত করেছিল। তিনি বুঝতেন সকল শ্রেণীর, সকল বর্ণের, সকল ধর্মের মানুষের সমান অংশগ্রহন ছাড়া কোন দেশ ও জাতি মাথা উঁচু করে দাঁড়াতে পারেনা। তাই তিনি সবসময় মুসলমান সমাজের প্রতি সকল দ্বিধাদ্বন্দ্ব ত্যাগ করে এগিয়ে আসার জন্য আহ্বান জানিয়েছিলেন। সকল অন্ধকার ও কুসংস্কারের গন্ডি পেরিয়ে তাঁর ভাবনায় স্থান পেয়েছে সমগ্র মানব সমাজের অগ্রগতি ও উন্নয়ন। তিনি মানুষে মানুষে ভেদাভেদ দেখিতে পান না, সকলের মাঝেই সৃষ্টিকর্তার উপস্থিতি উপলব্ধি করেন। তৎকালীন হিন্দু মুসলিম বিভেদকে কেন্দ্র করে রাজনীতি সমাজনীতি তাকে প্রভাবিত করতে পারেনি। এ বিষয়ে তিনি বলেন “ আমি মানুষে মানুষে পার্থক্য জানিনা, শ্বেতকায়, কৃষ্ণকায় প্রভেদ দেখিনা, ছোট বড় বুঝিনা, সবই শক্তিময়, দয়াময়, প্রেমময় স্রষ্টার সৃষ্টি” \*৩। সব সম্প্রদায়ের সমান অংশগ্রহন জাতীয় জীবনকে সমৃদ্ধ ও সুসংহত করতে পারে এ বিষয়ে তিনি যথার্থই উপলব্ধি করেছিলেন, ‘সর্বাত্মে রক্ত সঞ্চালন না হলে যেমন কেউ সুস্থ থাকতে পারে না’।

এতখন আমি তার প্রতিষ্ঠিত প্রতিষ্ঠান গুলো নিয়ে আলোচনা করলাম এবার আমরা তার মানব উন্নয়নের প্রাতিষ্ঠানিককরণের আর একটি ধারা নিয়ে আলোচনা করতে চাই। এখন আমরা প্রায়সী একটি কথা বলে থাকি Mainstrimming করা বা কোন উদ্যোগকে প্রাতিষ্ঠানিককরণের করতে হলে প্রথমে মূল শ্রতধারার সাথে সম্পৃক্ত করতে হয়। তিনি তার কর্মকালীন জীবনে এই এই কাজটি খুবই সফলতার সাথে করেছেন। এখনে কয়েকটি উদাহরণ দেয়া যেতে পারে যেমন - আজ থেকে প্রায় শত বৎসর পূর্বে একটি বিশ্ববিদ্যালয় প্রতিষ্ঠার প্রস্তাব করেন খানবাহাদুর আহছানউল্লাহ (র:) ‘Calcutta University Commission, 1917-19 Report’-এ কলিকাতা বিশ্ববিদ্যালয়ের শিক্ষা ও গবেষণার এবং প্রশাসনিক ও পরীক্ষা কার্যক্রম পরিচালনার দায়িত্ব পালনের জন্য পৃথক বিশ্ববিদ্যালয়

স্থাপনের প্রস্তাব করেন, এবিষয়ে তার একটা বক্তব্য “I would advocate the establishment of a teaching and residential university for schools and colleges situated in the city of Calcutta...

I would establish of a new university in Calcutta on the lines indicated in the Dacca scheme, in addition on the old federal university, with its limits circumscribed. The latter will continue to whole external examinations and recognise schools and colleges out side the city of Calcutta.”। Calcutta University Commission, 1917-19, Report, Part-1, Volume-1

অন্যদিকে ঢাকা বিশ্ববিদ্যালয় প্রতিষ্ঠার সিদ্ধান্ত গ্রহনকালীন, কলিকাতা বিশ্ববিদ্যালয় সিনেটে যখন তুমুল বিরোধিতা সৃষ্টি হয়, তখন খানবাহাদুর আহছানউল্লা (র:) ঢাকা বিশ্ববিদ্যালয় প্রতিষ্ঠার পক্ষে উল্লেখযোগ্য ভূমিকায় রাখেন। প্রাতিষ্ঠানিক ভাবনা থেকেই ঢাকা বিশ্ববিদ্যালয় প্রতিষ্ঠায় সিনেট কমিটির সদস্য হিসেবে অন্য সদস্যদের বিরোধীতাকে উপেক্ষা করে বিশ্ববিদ্যালয় প্রতিষ্ঠার পক্ষে নোট অব ডিসেন্ট দিয়ে গুরুত্বপূর্ণ অবদান রেখেছেন।

খানবাহাদুর আহছানউল্লা (র:)-এর ‘টিচারস্ ম্যানুয়েল’ (১৯১৮) গ্রন্থ; ‘Calcutta University Commission, 1917-19, Report’, তৎকালীন নবগঠিত পাকিস্তান সরকারের Education System Reconstruction কমিটিকে দেয়া তাঁর পরামর্শ এবং তাঁর অন্যান্য বই ও প্রবন্ধের, মধ্যে তাঁর শিক্ষা সংক্রান্ত চিন্তা চেতনা সন্নিবেশিত হয়েছে। ‘টিচারস্ ম্যানুয়েল’ বিষয়ে ঢাকা বিশ্ব বিদ্যালয়ের সাবেক উপাচার্য অধ্যাপক ড.আ আ ম স আরেফিন সিদ্দিক বলেন “বিগত একশত বৎসরে দূরদর্শী শিক্ষাবিদ খানবাহাদুর আহছানউল্লা (র:)-এর শিক্ষা ভাবনায় বেশকিছু বিষয় অর্ন্তভুক্ত হওয়ার মাধ্যমে সমৃদ্ধ হয়েছে আমাদের শিক্ষা ব্যবস্থা। তবে তাঁর চিন্তার অনেক বিষয় বর্তমান ও ভবিষ্যতের শিক্ষা ব্যবস্থায় ভেবে দেখার বা অনুসরণের সুযোগ রয়েছে। বইটি শিক্ষা তথা শিক্ষা ব্যবস্থার সাথে সংশ্লিষ্ট ব্যক্তিদের নীতি নির্ধারণে, একাডেমিক ও প্রয়োগিক ক্ষেত্রে সহায়তা ভূমিকা রাখবে।

আজকের আলোচনার শেষ প্রান্তে খানবাহাদুর আহছানউল্লা (র:) প্রধান সৃষ্টিকর্ম আহছানিয়া মিশন নিয়ে আলোচনা করতে চাই। ১৯২৯ সালে সরকারি চাকরি থেকে অবসরের পরে তিনি ফিরে গেলেন নিজ গ্রামে এবং সেখানেই প্রথম আহছানিয়া মিশন গড়ে তোলেন। চাকরি পরবর্তী সুদীর্ঘ ৩৬ বছর তিনি নিবিড়ভাবে মানুষের কল্যাণে নিবেদিত থেকেছেন। এছাড়া সরকারী দায়িত্ব পালন করতে গিয়ে তিনি দেশের বিভিন্ন এলাকায় গিয়েছেন এবং সেখানে তাঁর কল্যাণ বার্তাকে পৌঁছেছেন। মানুষের সঙ্গে ঘনিষ্ঠ হয়েছেন, তাদের দুর্দশাকে কাছ থেকে প্রত্যক্ষ করেছেন। যার সাক্ষ্য বহন করে আহছানিয়া মিশন প্রতিষ্ঠার মাধ্যমে। মিশন প্রতিষ্ঠা সম্পর্কে তিনি আরো উল্লেখ করেন, “আহছানিয়া মিশন” নামে একটি সমিতি গঠন করা হইয়াছে। অপরের খেদমত করাই ইহার উদ্দেশ্য; অন্য উদ্দেশ্য হইতেছে ভ্রাতৃত্ব স্থাপন, দুঃখীর অভাব নিরাকরন, শিশু ও বয়স্কদিগের দীনীয়াত শিক্ষাদান, পরদা সংরক্ষণ, পল্লী উন্নয়ন ইত্যাদি। তিনি তার গ্রাম নলতাতে আহছানিয়া মিশন স্থাপন করেই তার সংগঠন প্রতিষ্ঠা ও সাংগঠনিক কার্যক্রমের সমাপ্তি টানেননি। দেশে বিদেশে শাখা মিশন প্রতিষ্ঠার উদ্যোগ আয়োজন অব্যাহত রাখেন। এ সম্পর্কে তিনি প্রস্তাব করেন যে, ‘নলতার আহছানিয়া মিশনের শাখা নানাস্থানে থাকিবে এবং স্ব স্ব কমিটির দ্বারা পরিচালিত হইবে।’ স্ব স্ব কমিটি দ্বারা মিশনের শাখা গুলো পরিচালিত হবে “প্রত্যেক শাখায় স্বতন্ত্র প্রেসিডেন্ট, স্বতন্ত্র সেক্রেটারী ও স্বতন্ত্র মেম্বর নির্দিষ্ট হন” অর্থাৎ এখানেই প্রাতিষ্ঠানিক ভাবনার ভিত্তি নিহিত। আবার তিনি হবিগঞ্জ শাখা মিশন প্রতিষ্ঠা কালীন সময়ে শাখা কথাটি বাদ দেওয়ার প্রস্তাব করেন। এটি তার অত্যন্ত দূরদর্শি চিন্তার অংশ ছিল কারণ তিনি চেয়েছিলেন তার প্রতিটি আহছানিয়া মিশন স্বমহীমায় স্বতন্ত্রভাবে বেড়ে উঠুক।

তিনি যে স্বপ্ন দেখেছিলেন বিশ্ব ভ্রাতৃত্ব বোধের, মানুষের কল্যাণের, সামাজিক উন্নয়নের, আত্মিক ও জাগতিক সেতুবন্ধন তৈরীর’ যা তাঁর জীবদ্দশায় বীজ বপন করেছিলেন তা অঙ্কুরিত হয়েছে মাত্র। আহছানিয়া মিশনের কল্যাণে তা একদিন পূর্ণাঙ্গ বৃক্ষে পরিণত হবে এবং তা সমগ্র মানবগোষ্ঠীর সামাজিক ও আত্মিক উন্নয়ন, মানুষে মানুষে পার্থক্য নিশ্চিহ্ন করা, নিপীড়িত মানব জাতির কল্যাণে এবং মানুষে মানুষে একতা ও ভ্রাতৃত্বের বিকাশ ও আত্মিক প্রেমে উদ্দীপ্ত করবে।

খানবাহাদুর আহছানউল- I (র:) প্রতিষ্ঠিত মিশনের যে কর্মপরিধির স্বপ্ন দেখেছিলেন তার মধ্যে কয়েকটি এখানে উল্লেখ করা হলো-  
\*১১

- ক) প্রত্যেক মিশনে যথাসাধ্য শ্রম ও শিল্প শিক্ষার ব্যবস্থা করিবে।
- খ) প্রত্যেক মিশন অসহায় দুঃস্থ ও পীড়িত ব্যক্তিদের সাহায্যার্থে একটি ফান্ড সৃষ্টি করিবে।
- গ) যুবক সমিতি গঠন করত দেশ হইতে অনাচার, অপকার, উৎপীড়ন, চুরি, বদমাইশী দূর করিতে হইবে।
- ঘ) সাম্প্রদায়িক কলহের যাতে সৃষ্টি না হইতে পারে, হিন্দু ও মোলোণ্ডম মধ্যে যাহাতে অশান্তি প্রাদুর্ভাব না হয়, তৎপ্রতি যুবক শক্তি নিয়োজিত করিতে হইবে।
- ঙ) প্রত্যেক মিশন স্থানীয় ডাক্তার কর্তৃক অসুস্থ একজন মহিলাকে নাড়ীচ্ছেদ ক্রিয়া ও সুতিকা-গৃহের পরিচালনা শিক্ষা দিবে।

- চ) এই প্রতিষ্ঠান শান্দিয় প্রতিষ্ঠা করিবে, এই প্রতিষ্ঠান সমাজের মধ্যে একতা সৃষ্টি করিবে, এই প্রতিষ্ঠান হাসপাতাল প্রতিষ্ঠা করিয়া দুঃস্থ রুগ্ন ও দুর্বলকে সবল ও কার্যোপযোগী করিবে।

তিনি যেমন তার এলাকাতে একাধিক মিশন প্রতিষ্ঠা করেছেন তেমনি তিনি ১৯৫৮ সালে ঢাকাতে ঢাকা আহুছানিয়া মিশন প্রতিষ্ঠা করেন। ঢাকা আহুছানিয়া মিশন তার স্বপ্নকে ধারণ করে দেশের সকল অঞ্চলের ধনি-দরিদ্র সকল মানুষের সেবা প্রদান করছে।

**গবেষণা ও গ্রন্থনায়:**

১. ইকবাল মাসুদ, হেড অব হেলথ সেক্টর, ঢাকা আহুছানিয়া মিশন এবং
২. আনিসুল কবির জাসির, প্রতিষ্ঠাতা সেক্রেটারী, ডাম যুক্তরাষ্ট্র

**তথ্য সূত্র:**

১. আহুছানিয়া মিশনের মত ও পথ-খানবাহাদুর আহুছানউল্লা
২. আমার শিক্ষা ও দীক্ষা-খানবাহাদুর আহুছানউল্লা
৩. আমার জীবন-ধারা- খানবাহাদুর আহুছানউল্লা
৪. ভক্তের পত্র- খানবাহাদুর আহুছানউল্লা
৫. খানবাহাদুর আহুছানউল্লা, রচনাবলী
৬. দীপ্ত প্রভায় আলোকিত মানুষ খানবাহাদুর আহুছানউল্লা (র.)- সম্পাদনায় আ.শ.ম. বাবর আলী
৭. খানবাহাদুর আহুছানউল্লার শিক্ষা ও সমাজ চিন্তা- মোহাম্মদ আবদুল মজিদ
৮. খানবাহাদুর আহুছানউল্লা (র.) ও তার কর্মসাধনা-৪
৯. আহুছানিয়া মিশন বার্তা